

## Sarkina Bt Mat Saad @ Shaari

**From:** UUM CORPORATE COMM.  
**Sent:** Wednesday, August 28, 2019 10:25 AM  
**To:** UUM - All Staff; UUM - All Students  
**Subject:** HaShEP 2019 Didik Mahasiswa Jadi Eksekutif Halal



UUM Corporate Comm.  
Universiti Utara Malaysia

28 OGOS 2019 / 27 ZULHIJAH 1440H

"UUM : UNIVERSITI PENGURUSAN TERKEMUKA"  
(THE EMINENT MANAGEMENT UNIVERSITY)

Oleh: Career Development Centre (CDC)

### HASHEP 2019 DIDIK MAHASISWA JADI EKSEKUTIF HALAL



**UUM ONLINE:** Seramai 50 pelajar Sarjana Muda Pentadbiran Muamalat tahun akhir Universiti Utara Malaysia (UUM) menyertai program Professional Halal-Shariah Executive Programme (HaShEP) 2019.

Pengarah Pusat Pembangunan Kerjaya, Dr. Awan Ismail, HaShEP dianjurkan Universiti Sains Islam Malaysia (USIM) dengan kerjasama Kementerian Pendidikan Malaysia (KPM) dan Institusi Pengajian Tinggi Awam (IPTA).

Ujarnya, UUM telah dilantik sebagai Penyedia Latihan Halal (PLH) yang berdaftar di bawah Majlis Profesional Halal Malaysia (HPB) serta dipilih sebagai kumpulan sasaran

Program yang berlangsung selama 15 hari di Dewan Kuliah Gugusan 1 (DKG 1), UUM merupakan anjuran Pusat Pembangunan Kerjaya dengan kerjasama Pusat Pengajian Perniagaan Islam.

“Program ini menggunakan pendekatan holistik modul *Professional Halal Executive Programme* (PHEP) dan *Muslim Friendly Hospitality Services (Islamic Tourism Centre)*, selain menyediakan platform suai padan pekerjaan kepada para peserta di akhir program.

“Objektif program ini untuk memberi latihan kepada para peserta mengenai skim persijilan Halal samada berasaskan produk, logistik, penyembelihan, perkhidmatan makanan, bahan gunaan, pelancongan dan kosmetik.

“Program ini juga bertujuan untuk melahirkan para Pegawai Eksekutif Halal-Shariah yang dapat memenuhi keperluan dan menyokong syarat pensijilan piawaian,” katanya.

Menurut Dekan Pusat Pengajian Perniagaan Islam, Prof Madya Dr. Muhammad Nasri Md Hussain, potensi Industri Halal dilihat semakin meningkat dan merupakan industri yang amat penting bagi Malaysia dan rantau sekitarnya termasuk negara ASEAN.

“Industri Halal telah menjadi sumber baru kepesatan pertumbuhan ekonomi yang mempunyai nilai pasaran yang dianggarkan sebanyak 2.3 trillion-dolar setiap tahun. Pertumbuhan pesat Industri Halal Global ini telah menjadikan Malaysia salah satu peneraju Industri Halal yang diiktiraf di peringkat antarabangsa,” ujarinya.

Dalam program ini, para peserta diberi pendedahan mengenai Halal Manual and Records Administration, *Internal Halal Committee Programme Administration*, *Halal Quality Assurance*, *Halal Certification Process Administration* dan *Internal Audit Facilitation* melalui modul yang disampaikan oleh fasilitator selain Prinsip Halal dan Haram melalui aktiviti yang dijalankan.

Antaranya melukis logo Halal Malaysia, Titik Kritikal Halal, SOP dan Carta Alir, dan *Terms of Reference* (TOR).

SOP adalah memastikan pekerja memakai pakaian yang menutup aurat, premis bersih, pastikan pekerja kendalikan mesin dengan profesional dan betul dan suntikan typhoid dimestikan kepada pekerja.

Peserta juga dapat memupuk sikap bekerjasama dalam kumpulan dan dapat melatih diri menjadi ketua yang bertanggungjawab. Sikap kepimpinan dalam diri seseorang sangat penting bagi mengendalikan sesuatu kerja.

Sementara itu peserta, Luqmanulhakim Abdul Rahman berkata, peserta menduduki peperiksaan selama 3 hari dan menjalankan lawatan industri selain dibawa ke EDC Hotels & Resorts dan kafeteria di sekitar UUM untuk sesi lawatan Audit.

“Lawatan Audit ke Hotel memberikan gambaran jelas tentang bagaimana proses dan cabaran yang dilalui EDC Hotels & Resorts dalam mendapatkan sijil Halal.

“Menerusi program ini saya mendapat ilmu terbaik misalnya kita tahu tentang cabaran yang bakal dihadapi dalam mendapatkan sijil Halal dan bagaimana proses untuk menjadi *Halal Executive* dengan memahami teori dan praktikal,” tambahnya.

Pihak USIM turut menjalankan slot *Muslim Friendly Hospitality Services (Islamic Tourism Centre)* yang perlu dilengkapi oleh peserta di samping memberi manfaat dalam menceburi bidang keusahawanan di dalam profesional halal ini.

Semua pelajar berjaya mendapat sijil halal pada hari majlis penutupan *Professional Halal-Shariah Executive Programme* .



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.